

影印
文淵閣

四庫全書

影印

文淵閣四庫全書

第四一六冊

北京出版集團公司
北京出版社

本册目次

世宗憲皇帝硃批諭旨(一)

清

雍正十年敕編
乾隆三年告成
……
一

欽定四庫全書

史部
硃批諭旨卷一上

臣永瑤恭校

編修臣表謙覆勘

總校官中書臣朱鈐

校對官助教臣羅萬選

謄錄監生臣姚培敦

上諭朕向在藩邸未諳政事不識一人毫無閱歷聞見及受

皇考聖祖仁皇帝付託之重臨御寰區惟日孜孜勤求治理以為數政寧人之本然耳目不廣見聞未周何以宣達下情洞悉庶務而訓導未切誥誡未詳又何以使臣工共知朕心相率而遵道遵路以繼治平之政績是以內外臣工皆令其具摺奏事以廣諮諏其中確有可採者即見諸施行而介在兩可者則或勅交部議或密諭督

欽定四庫全書

撫酌奪奏聞其有應行指示開導及戒勉懲儆者則因彼之數陳發朕之訓諭每摺或手批數十言或數百言且有多至千言者皆出一己之見未敢言其必當然而教人為善戒人為非示以安民察吏之方訓以正德厚生之要曉以福善禍淫之理勉以存誠去偽之功往復周詳連篇累牘其大指不過如是亦既殫竭苦心矣至其中有兩人奏事而朕之批示迥乎不同者此則因人而施量材而教嚴急者導之以寬和優柔者濟之以剛

殺過者裁之不及者引之並非逞一時之胸臆信筆直書前後矛盾讀者當體朕之苦心也此等奏摺皆本人封達朕前朕親自覽閱親筆批發一字一句皆出朕之心思無一件假手於人亦無一人贊襄於側非如外廷宣布之諭旨尚有閣臣等之撰擬也雍正六年以前書則延接廷臣引見官弁傍晚觀覽本章燈下批閱奏摺每至二鼓三鼓不覺稍倦寔六載如一日此左右近侍及內直大臣所備知者近年以來天下庶政漸次就理

欽定四庫全書

下情稍覺洞達臣工之奏摺較前減少而朕躬精力亦不如前批答之事始從簡便此實情實事可舉以告天下者今檢內外諸臣繳回硃批之摺不下萬餘件因思自古帝王治天下之道以勵精為先以怠荒為戒朕非敢以功德企及古先哲王而惟此勤勉之心自信可無忝於古訓實未負我

皇考付託之深恩也又念此等批示之語實出於朕之苦心或可為人心風俗之一助但本人承旨之時不敢宣露

於外他人無由知之今將外任之大臣官員奏摺經朕手批酌量可以頒發者檢出付之剞劂計算實不過十分之二三俾天下臣民展讀咸知朕圖治之念誨人之誠庶幾將此不敢暇逸之心仰報我

皇考於萬一耳或人人觀此而感動奮發各自砥礪共為忠

良上下蒙福朕心愉快更當何如特諭

雍正十年三月初一日御筆

欽定四庫全書

欽定四庫全書

史部六

世宗憲皇帝硃批諭旨

詔令奏議類 詔令之屬

提要

臣等謹案

世宗憲皇帝硃批諭旨三百六十卷雍正十年奉

勅校刊乾隆三年告成冠以

世宗憲皇帝諭旨殿以

皇上御製後序所載臣工奏摺凡二百二十三人

欽定四庫全書

硃批諭旨
提要

多者以一人分數冊少者以數人合一冊所

奉

硃批一一恭錄或在簡端或在句旁或在餘幅少者

數十言多者每至數百言其肯綮之處經

御筆圈出抹出者尤為詳悉無不循名責實斥偽求

真或即委而知源或見微而識著

玉衡之正不可欺以重輕

金鏡之明不可炫以妍醜

推求一事而旁燭萬端

端拱九天而坐照四海凡

堯舜舜咨具寓于

義畫禹書之中天下臣民循環跪誦蓋皆得而仰喻

焉伏考典謨所載都兪吁咈大抵面陳秦漢以後

章奏既興載于史者不過有省有不省有行

有不行耳所謂鳳尾諾不過一字未有連篇

累牘一一手勅報之者唐宋以後多出代言

欽定四庫全書

硃批諭旨
提要

故諸臣文集或以批答為內制之一體如宋

太祖於截木之章宋真宗於鄰壤之字皆偶

然涉筆不過數言亦未有句櫛字比標注甲

乙無幾微之不到者至于集彼書囊積為巨

帙多至三四百卷而數奏報聞無煩

訓示者不與焉內外章牘由內閣奏進者亦不與焉

尤書契以來所未嘗聞見者矣 臣等校錄之

餘知我

皇上勵精無逸登

七表而彌勤者

家法淵源有所自來也乾隆四十四年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

御批諭旨
提要

三

欽定四庫全書

硃批諭旨卷一百一十五

硃批諭旨卷一百一十五

雍正四年六月十四日署理江南江西總督印

務總兵官臣范時繹謹

奏為恭謝

天恩肅伏念臣庸愚下質恭膺

寵命署任封疆臣自入境抵任以來悉心體察竊念兩

欽定四庫全書

御批諭旨
卷一百一十五

凡此江地方廣遠兵民繁庶其間財賦攸關政令所繫

天下以及海隅之巡防山陬之保障分任專司其責甚

重必在得人務求實政臣謹將總督衙門遠近歷

奉

上諭欽遵勿替實力奉行以期全效至於各該地方官

吏之賢否弁兵之勤怠與夫事宜之興革念臣蒞

任久任亦豈能周悉無遺耶臣將一公字置於胸中

盡其在任伊始未周知不敢草率徑行以致貽誤容臣

逐一查訪隨在研求或當密繕摺

防之奏或當會疏具

題次第請行仰副我

皇上任用之至意但臣自顧識淺才疎荷茲重任夙夜

悚惕唯有恪奉從前所

賜莫移今日之志之

莫看作容易非前人積德深厚自復見理明微不能心訓旨矢竭心力不敢移志以圖報

高深於萬一耳所有微臣感激下悃理合恭謝

天恩謹

欽定四庫全書

硃批諭旨

卷一上

奏

覽

同日又

奏為奏

聞甘霖普徧裁蒔咸齊秋成預兆恭慰

聖懷事竊臣於抵任之後仰體我

皇上軫念民生之至意隨即飛飭各屬州縣詳查所屬

地方之秧種曾否栽齊雨澤有無需足據實開報

聞有數處四五月間曾經缺雨去後茲據安徽所屬州縣陸續詳報俱稱連需甘

江蘇

霖四野霑足秧苗插齊秋禾俱種又據江蘇所屬州縣陸續詳報俱稱時雨大霑山圩俱已霑足秧

種栽時青長茂盛又據江西所屬州縣陸續詳報

俱稱雨澤應候秧苗皆已插齊各等情到臣內又

據江寧泗州寧國池州等沿江傍湖地方間有報

稱朕已江湖陡溢漫入圩田窪田之處臣今現在查恤

據稱溢漫等處俟水勢漸平仍可望插秧苗等語

欽定四庫全書

硃批諭旨

卷一上

至於三省禾苗大勢復經臣細加訪問僉稱大江

左右今歲可望大有再臣詳查邇時米價雖各處

稍有低昂然俱稱比之春季大覺平減臣自身抵

江省以來目睹雨澤之調勻陰晴之順候乃知三

秋豐樂萬寶告成可以預卜是皆我

皇上預卜洪福之彌綸萬民之戴甚俗

澤也理合繕摺

奏報恭慰

聖懷謹

奏

此等奏報務須據實無隱絲毫不可涉於粉飾

雍正四年七月二十日署理江南江西總督印務

總兵官臣范時繹謹

奏為恭謝

天恩事竊臣荷蒙

皇上隆恩命臣署理兩江總督印務臣於請

欽定四庫全書

硃批諭旨
卷一上

訓之日曾經奏

聞宋參知政事范仲淹係臣二十一世祖祠墓俱在蘇

州仰懇

天恩乞於公事赴蘇之日身往展拜並得將所在族人

嚴加教戒業經叨蒙

恩允茲臣於在蘇公事之餘獲便道展拜至於在蘇臣

族臣素無往還曾經識認者亦不過一二人除祭

拜之次槩不接見更出示嚴加約束務期各安本

分共樂

昇平伏念臣家自從

龍以來世受

國恩迨臣之身遭逢

殊恩者更逾尋常今復以奉

命之榮俾往代先臣得邀

恩於千載之後即臣之沾被

高深於靡涯也臣無任感激歡忭之至為此繕摺恭謝

欽定四庫全書

硃批諭旨
卷一上

天恩謹

奏

但宜務實以實心効實力一切據實無欺即為報朕勝

如此奏多矣再爾會商耗羨一摺留中前已有嚴旨密

諭張楷並經飭諭直省各督撫此事要須爾等細心商

定者朕實代爾難立主見但爾乃蒞任之初且聽張楷

作何辦理為是

雍正四年八月十五日署理江南江西總督印務

都統臣范時繹謹

奏為具報禾苗長發情形恭慰

聖懷事竊照兩江今歲禾苗緣當初夏之際獲雨各有先後因而插時之時間有遲早今查通省禾苗皆已及時插種種後又值雨水調勻現今官民交相慶祝其沿江濱湖州縣間有低窪之處不免水滯經臣一面委勘撫恤一面會同安徽江蘇撫臣等會疏

欽定四庫全書

硃批諭旨

卷一上

六

題報外今臣

查據兩江各屬詳報禾苗情形僉稱禾

質青蔥長發茂盛並僉稱現今米價平減照常各

等情形詳報前來臣

復歷採輿論俱稱幸喜七月

以來晴明較多雨水較少其低窪之田待其水消

補種再臣

查江西通省禾苗除宜春鉛山大庾三

縣報稱早禾六七分收成外其通省州縣具報早

禾收成俱各八九十分不等臣

謹將兩江禾苗情

形繕摺奏

聞謹

奏

實慰朕懷但能竭誠秉公以為國為民之心對越

天地神明斷無不昭示感應風雨以時之理爾等督撫職任關繫甚巨莫易視之此理須實心確信不疑方不有負朕之任用也時刻勉之敬之

同日又

奏為據實奏明仰祈

欽定四庫全書

硃批諭旨

卷一上

七

聖鑒事竊臣

於抵任之後深念錢糧事務上關

國帑先將安徽布政司庫貯銀兩按冊盤查並無虧

空照例移咨安徽撫臣魏廷珍候於

奏銷會

題外今臣

前至蘇州又經會同撫臣

張楷盤查江蘇

布政司庫貯銀兩據布政使漆紹文冊報應存實

在銀一百四十八萬八千二百七十兩零內有候

款歸補銀三萬五千二百三十四兩零現無存庫

稱係前任布政使李世仁鄂爾泰並該司各任內
因公動支尚在候款歸補外查明實在貯庫銀一
百四十五萬三千三十六兩零隨將盤查清冊候
款歸補緣由照例移咨江蘇撫臣張楷候於
奏銷時清查會

題外臣仍嚴飭布政使漆紹文限於本年

奏銷之前亟將候款歸補等項諸款催歸貯庫倘歸
補逾限即屬虧空臣即查明

欽定四庫全書

硃批諭旨
卷一上

題叅斷不敢因仍緘默私相容隱合謹繕摺據實奏
聞並將該布政使漆紹文冊報候款歸補各項銀兩附
具清摺恭呈

御覽謹

奏

知道了應如此者百凡悉照此據實無隱自然永久蒙
朕之眷注也勉之檢舉一摺留中俟張楷來面詢張楷
甚不妥協朕欲黜其江蘇之任觀其一切奏對悉屬悖

謬之極江蘇官民作何評議及伊居官實蹟如何之處
爾其據實奏聞

同日又

奏為奏

聞事竊臣於雍正四年八月十四日據淮安府山陽縣
並淮安城守營參將等同日詳報僉稱本月初七
日定更之後有遊巡兵丁報稱當夜忽有一人同
更夫扭結一人來到營房值有千總吳俊在汛身

欽定四庫全書

硃批諭旨
卷一上

往驗看同見被扭之人認係淮關監督慶元家人
康二隨問扭結康二之人是何姓名因何事故據
云我是淮徐道之子姓潘正在說話間突然闖進
淮關內使數人強將康二搶去彼時衆人之中但
認得二人一係康三一係姓沈大衆疾去如飛無
從詢其原由後詢淮徐道潘尚智之子據稱今有
慶監督還我的銀子一萬一千兩裝做十一包放
在五乘轎內要擡往百子堂去今被他內使多人

齊來上前搶轎內銀子我所以拉住這個內使到營房裏來的等語該千總隨趕至百子堂查看果有轎子五乘內尚存銀六包隨問轎夫你銀子是從何處擡來據稱此是潘公子的銀子自淮關署內後門擡出來原是十一包今只剩六包那五包是關上內使搶去了等語遂押交該縣去訖又據該縣詳稱當即訊問轎夫等口供大畧相同各等情到臣按閱之下不勝駭異查慶元身係差員

欽定四庫全書

欽定四庫全書
卷一上

十

掌收

國課豈宜別有贏餘黃夜給還潘姓更查潘尚智係經嚴叅現在勒追虧空之人乃有銀兩藏託於慶元之家再查慶元身任淮關積年以來每每假借聲勢任意縱橫其間必有指稱詐賄於從前調停彌縫於事後種種情事在所不免况此案不過偶一敗露便有一萬餘金之數而潘尚智之與慶元或別有囑賄黃緣藏匿

國課情節更未可定除移行淮關監督慶元勒解康

二等并一千搶犯到日飭司嚴審確情外臣念慶

元身係京員且恐將來差滿回京難憑質問合謹

繕摺奏

聞或仰候

皇上諭交內部審訊或

欽差京員到南審訊之處統祈

睿鑒施行謹

欽定四庫全書

欽定四庫全書
卷一上

十二

奏

此事經河臣齊蘇勒奏聞已差京員前往察審矣

雍正四年八月二十八日署理江南江西總督印

務都統臣范時繹謹

奏為奏報事竊臣看得江寧省城附近地方於本月

初四日起陰晴不定連有小雨每日或一二次不

止接連數日至十三日方始開霽後於十六日起

又復陰雨十七日大雨一晝夜十九日晝夜大雨

聞淮安一帶地方更甚

一次二十二日大雨接連至夜臣隨齋戒率屬祈

晴後於二十四日漸次晴朗業已雨止彼時經臣

差員四外看問據稱山田均無妨礙窪田水聚難

消晚禾花豆收成將來恐減分數倘後此隨即晴

明尚亦不至成災等語除臣正在遵

旨入聞監臨科場事務業經另行飭勘隔遠地方雨水

多寡曾否傷稼容臣於揭曉之後再將年成實在

分數繕摺奏

欽定四庫全書

硃批諭旨
卷一上

十三

聞外謹將近日江省附近雨水情形先摺奏

聞謹

奏

朕前諭秋成後方敢確信斯言果不誣耶朕悞用張楷
地方上何望雨暘時若爾前稱朕之洪福今可推諉朕
無福乎爾等封疆大吏比古諸侯實主生民社稷所關
甚巨朕頒諭直省督撫曾褒獎田文鏡李衛楊文乾試
看此三省今歲收成若何所以爾等督撫朕用得其人

朕福斯大不可言倘悞用匪人朕即無福矣如此論福

鑿鑿可據若專靠朕福任意營私舞弊而欲文武調協

兵民舒暢地方安輯時和年豐無是理也欲求此效莫

若以至誠格天覽爾前奏似覺有高興光景洪範庶徵

曰狂恒雨若若然則多雨咎徵或係爾所感召亦未可

定戒慎恐懼時刻不可去諸懷抱勉之敬之

同日又

奏為遵

欽定四庫全書

硃批諭旨
卷一上

十三

旨覆奏事竊臣於到任後細訪前任督臣查弼納居官

操守尚無貪婪之蹟但有稱其於保

題武職官員事後遇有餽謝尚敢收受之語再查查

弼納在總督任內每歲有安徽江蘇江西藩規銀

各四十兩江安糧道銀三千餘兩再鹽規銀二萬

四千兩外又小禮銀一千二百兩照常收受為公

用日用之費經臣察訪明確據實奏

聞臣再看得江寧將軍臣伊立布自到任之後凡事頗

知勉勵其約束官兵亦能嚴整但人多謂其較之前任甚屬刻薄者蓋緣向年以來駐防官兵日就縱弛至不堪言遇有事出而將軍與該管官百計袒護漸至怙過不改積習難除今伊立布嚴加約束不肯因循小人等不得遂其為非因而人言藉藉然而官兵習氣則由此可望振刷矣再臣察伊立布居心為人凡遇事務不免性情褊急聰明自用往往自滿之心自得之象見諸詞色所有將軍

欽定四庫全書

硃批諭旨
卷一上

十四

臣伊立布到任以來居官為人情形臣不敢飾諱

合併上達

皇上天鑒謹

奏

此奏甚屬公當評論伊立布絲毫不謬朕意伊立布一到江寧必招物議今果如此但要伊實心為國家効忠日久人自知也諒伊必不負朕知遇爾其和衷料理以移易旗兵之陋習

雍正四年十月十九日署理江南江西總督印務

都統臣范時繹謹

奏為欣承

聖訓仰荷

恩頒微臣感激恭謝

天恩事竊臣齎摺把總回南恭捧

硃批諭旨並

欽賜哈密瓜到臣隨恭設香案望

欽定四庫全書

硃批諭旨
卷一上

十五

闕叩頭謝

恩訖臣跪讀

硃批欽承之下彌增感惕伏念臣以謏劣之材蒙

皇上委用兩江重任於到任之初見雨水調勻禾苗秀

發據臣迂淺之見遂以預擬有秋遽爾入

奏實屬冒昧蒙

皇上聖諭指示臣始頓悟前非正滋惶恐迨至八月間

陰雨過多不敢壅於上

聞繕摺奏報臣於彼時倍深刻責寢食難安今復凜奉硃批荷蒙

皇上教訓詳明仰見

皇上敬

天勤民之至意推已及物之深仁今臣昏惰之極不自整

飭有負委任仍蒙

皇上施

恩格外不加譴責

欽定四庫全書

硃批諭旨
卷一上

十六

訓誨包容引經

教誡臣不勝感激戒懼從此益加檢束彌切寅畏斷不

敢稍自疎縱以下悞地方而上厘

聖懷也理合具摺恭謝

天恩謹

奏

觀爾有張皇莫措光景勉之此任非比馬蘭關只辦一實字遂可稱職兩江事繁覺有不能景象惟以安靜詳

審為務急切求好則大悞矣徐徐經理一切明白後方可見諸施為萬不可急遽慎之一字最要

雍正四年十一月初二日署理江南江西總督印

務都統臣范時繹謹

奏為事關錢糧銷補據實奏

聞事竊查修造天津戰船一案原准部咨為欽奉

上諭事內開江南成造大號趕繒船六隻小號趕繒船

六隻舢板船十二隻曾經遵將司庫正項錢糧動

欽定四庫全書

硃批諭旨
卷一上

十七

支修造已於本年六月二十二日具報完工嗣據

江蘇布政使漆紹文詳稱上下兩江各委官等具

領辦料銀兩共經發過四萬二千六百三十兩零

臣念此項動用銀兩支領過多難憑銷補亦曾咨

詢閩省開銷之例如江南所造船數約畧估計僅

值六千五百六十餘兩較之用過銀數大相懸殊

臣隨屢飭查核再四駁詰據承委各員僉稱辦用物料俱係採覓樟木並所需釘鐵油麻分外加料

又稱在承辦之時督撫有但儘力修造不必計費之言所以支用過多等語臣念應需物料縱係遠出採買亦不至經費逾格至於若此況既稱不必計費儘力修造則彼時上司自應督催委官不時監察令其堅固方為合式今駕送船隻舵桅損壞明係經營之督撫上司罔知節慎不過故示急公之語而承委各官遂得任其浮泛之用究致貽悞欽工而虧缺

欽定四庫全書

硃批諭旨
卷一上

國帑今雖上下兩江藩司籌畫彌補議及協貼議及公捐終屬以緩濟急帑項現在虛懸彼督修承修等官始而不妥議奉行繼而不查核節慎以致支用浮多不敢請銷貽累通省公捐而從前之督撫承委等官轉得優游於事外豈為平允臣查修造戰船支領銀兩除可以請銷數目外所有浮用銀三萬六千餘兩請著落督修之督撫並承修等官各名下照數分賠庶乎各屬無庸公捐而帑項不

致懸虛矣為此謹

奏

所議殊屬未協浮冒銀兩自當責令分賠如不能賠補應作何處分從何著落如此議確方可允行也

雍正四年十二月初六日署理江南江西總督印

務都統臣范時繹謹

奏為欽奉

諭旨察明奏覆事前臣接奉

欽定四庫全書

硃批諭旨
卷一上

十九

欽發原任江西安福縣知縣劉學愉奏請分縣一摺奉硃批諭旨有人條奏此事爾可徐徐察明應行與否密議奏聞欽此臣隨悉心詳查得江西之安福永新兩縣地方皆傍大山綿亘通聯俱有上西鄉二處地名相同地方相連中有分水亭為兩縣分界之處因地方僻在山陬去城窺遠蠻野性成每當徵收之時差役不能制服是以歷來兩縣錢糧舊欠未清新徵不足揆厥所由皆緣去官既遠化導未周

徵收不便之故也臣今查兩處上西鄉地方課賦

合計約有一萬四千餘兩居民散處恃遠刁悍兼

有流寓棚民雜處於荒山窮谷之間該縣令實有

瞻顧不及之虞若將兩處歸併專設一縣自能就

近治理查永新縣之連化地方舊有同知空署可

以改設縣治但臣伏思改設縣治未免重費經營

抑或仍遵舊制移令該同知駐劄連化親蒞教誡

以資化導亦屬相宜臣謹將地勢民情備細查明

欽定四庫全書

硃批諭旨
卷一上

二十一

密議奏

聞仰候

皇上睿鑒施行再臣於分設議內仍有請者若設縣治

則有倉庫城垣俱需防護應請另添一營增設守

備一員把總一員馬戰守兵照永新營制依例增

設若止移駐同知亦應添設千總一員量添守兵

五十名以資彈壓臣謹據臣愚昧之見一併具摺

奏

聞謹

奏

再加細訪確議具疏題奏將飭發條陳緣由疏內不必

叙入

同日又

奏為欽奉

硃批諭旨臣感激恭謝

天恩事竊臣標齋摺把總回署臣謹接奉

欽定四庫全書

硃批諭旨
卷一上

二十一

硃批跪讀

聖訓臣當瞻奉之頃具知

睿鑒之聖明如對

天顏之和霽隨恭設香案望

闕叩頭謝

恩訖伏念臣自署任之後諸凡叢脞未効寸長蚤夜捫

心實深愧懼幸得仰奉

恩綸過蒙勉勵